



Sud prihvatio prijedlog Tužilaštva BiH **Vehabijama Božiću i Hastoru određen pritvor!**

Osumnjičeni za planiranje napada na policijske agencije, SIPA-u i MUP u Tuzli

Sud BiH prihvatio je jučer prijedlog Tužilaštva BiH i uhapšenima u akciji **SIPA-e**, pripadnicima vehabijaskog pokreta u BiH Maksimu Božiću, zvanom Abu Muhamed, i Edinu Hastoru, zvanom Amidža, odredio jednomjesečni pritvor, potvrđeno je za „Avaz“.

Ovaj dvojac uhapšen je zbog sumnje da su počinio krivično djelo terorizma, tačnije da su planirali napad na SIPA-u i MUP Tuzlanskog kantona. Pritvor im je određen zbog opasnosti od bijega, ometanja istrage, prikrivanja dokaza te vršenja utjecaja na svjedoke, ali i zbog opasnosti da bi boravkom na slobodi osumnjičeni mogli ponovo počiniti krivično djelo.

Kod uhapšenih je prije tri dana u Sarajevu, na lokacijama koje su koristili u Humskoj ulici na Pofalićima, pronađena i veća količina naoružanja, a kako je istaknuto na sudskom ročištu za određivanje pritvora, Božić i Hastor planira-



Božić: Opasne namjere

li su izvršiti napad na SIPA-u i MUP Tuzlanskog kantona, što je potvrdio zaštićeni svjedok Tužilaštva BiH.

Božić, koji ima prebivališta u Tuzli i Sarajevu, još prošle godine poduzimao je određene radnje.

Bliski saradnik osuđenog teroriste Mevlida Jašarevića i 2010. godine je bio hapšen zbog prijetnji da će napasti MUP u Tuzli.

M. Aš.